

24

So nym weischnusbaumletter vnd pirsingbletter / püluer sie auff ein heissen stein / vnd isse scin ynn eyern / odder sonst ynn andern gemüse.

Ob ein wurm ynn ein gewachsen were.

Trinck trachen wurtz mit saffran vnd essig / so stirbt er.

Für Spinnen pifs.

Binde erdber kraut darüber / es hilfft.

Für wurm ym leibe.

Bestreich dich auswendig am leib mit hannen fus / des krauts safft / odder send pirsingbletter ynn gaysmilch / das der drit teil ein siebe / vnd trinck des / Odder leg weichffel kern yn essig / vnd isse yhr offt / sie sterben.

Ein anders.

Nym nessel vnd schneid die Klein vnd sends yn wein / trinck yhn / sie gehen all von dir / Odder nym Kreen odder mehrrettich vnd knoblach / mit essig vnd isse es.

So einer erhartet were ym leibe.

Nym holder / thu die obern rinden herab / vnd nym die andern grüne rinden / vnd drück den safft heraus yn ein schön mus / vnd isse das / Odder derre das grüne vnd thu das vnter das musmel / du wirst stüle darnon haben / so du es issest.

Zu dem Magen.

Wer ym magen siech ist / vnd etwas vngesunds dar ynnen hat / der siebe Centauream erdgal ynn wein / vnd trinck darnon / Odder trinck wermutsafft ynn wein. Wenn ein fast auff gehet odder wült / der esse offt peterlesamen. Thut dir der magen wehe von rohem essen / so stos rauten vnd saluey mit saltz vnd isse das.

Wer ein bösen magen hat / der esse galgant ynn wein gebeyst.

Zu dem bösen magen..

Nym des abends ein wenig weinberlein mit pfeffer /

C ij das